
ТОШЛОҚ ТУМАНИДА 2021 ЙИЛ ҲОСИЛИ УЧУН ЧИГИТ ЭКИШ ИШЛАРИГА ПУХТА ҲОЗИРЛИК КЎРИЛДИ

Вилоят ҳокими Хайрулло Бозоров Тошлоқ туманида чигит экиш мавсуми олдидан қишлоқ хўжалиги тизимидаги ташкилотлар раҳбарлари, отрядлар бошлиқлари ҳамда фермерлар иштирокида чигит экиш ишларига тайёргарлик ишларини тизимли ташкил этиш юзасидан ўтказилган кўргазмали семинарда иштирок этди.

“Чигит экиш мавсумини ҳам уюшқоқлик билан, сифатли ўтказиш керак. Агротехник тадбирлар учун техникалар, ёқилғи ва дорилар етарли. Фақат тартиб-интизом билан ишлаш керак.”, дея қайд этган вилоят ҳокими, ҳамма соҳа қатори қишлоқ хўжалигида ҳам 2021 йил “Фарғона йили” бўлиши кераклигини таъкидлади.

Давлатимиз раҳбари ташаббуси билан пахта ва ғаллага давлат буюртмасидан воз кечиб, маҳсулот ишлаб чиқаришда кластер тизимига ўтилгани натижасида маҳсулот ҳажмини кескин ошириш, юқори қўшилган қиймат ва янги иш ўринлари яратиш, энг асосийси – даромад ва манфаатдорликни кўпайтиришга эришилмоқда.

Тадбир давомида соҳада давлат ва маҳаллий ҳокимият органлари аралашуви бўлмаслиги кераклиги, кластерлар ўз таркибига кирган фермер хўжаликларининг манфаатларини кўзлаб иш олиб бориши лозимлиги, ўзи фаолият юритаётган туманнинг ижтимоий-иқтисодий ривожига ҳисса қўшиши шартлиги алоҳида таъкидланди. Кластерлар бу асосий мезонлар асосида иш ташкил қилиши, чигит экишдан пахтани парваришlash ва ҳосилини йиғиб-териб олишгача бўлган жараёнларда ташкилий масалаларни тўлиқ назоратга олиши кераклиги қайд этилди.

Бу йил Тошлоқ туманида 10 та отряд ташкил этилган бўлиб, улар 5120 гектардан зиёд ерга чигит қадаш ишларини амалга оширадилар. 3800 тонна уруғлик захираси яратиб қўйилган. Жараёнларда иштирок этаётган ишчиларга қулай шарт-шароитлар яратилиб, улар мунтазам рағбатлантириб борилади.

Шу куни вилоят раҳбари туманда ғалла парвариши, пиллачилик тармоғини янада ривожлантириш юзасидан ҳам семинар иштирокчиларига ўз кўрсатмаларини бериб ўтди.

Яқунда бир гуруҳ соҳа вакилларига мавсум олдидан совғалар топширилди.

Бизни ижтимоий тармоқларда кузатинг [Facebook](#),
2021-03-25 10:39:37